

# Onde está o mel?

*Poden os humanos e os paxaros salvaxes traballar xuntos?  
No leste de África, un paxaro chamado o guía do mel axúdalle á xente a atopar o mel.*



**A**o guía do mel gústalle moito comer cera de abellas e larvas (os bebés das abellas) e sempre sabe onde atopar unha boa colmea. Pero o paxaro é demasiado pequeno para abrir de par en par a colmea e chegar á maior parte da deliciosa comida que hai no seu interior. Neste punto, entran os boran. Eles fan toda a súa comida e, de vez en cando, gústalles un pouco de mel fresco. Para conseguir o mel, teñen que atopar unha colmea salvaxe e coller o mel eles mesmos. Pero as colmeas son difíciles de atopar no monte. Afortunadamente, os boran teñen o guía do mel para lles axudar.



*As abellas silvestres fan as súas colmeas dentro dos troncos das árbores.*





### COÑECE O GUÍA DO MEL

Non adiviñarías ao miralo que o guía do mel ten algo especial...

[Ler máis](#)



### COÑECE OS BORAN

Os boran viven no leste de África. As súas casas están feitas de ...

[Ler máis](#)

## Á CAZA DO MEL

Cando o paxaro ou os boran queren ir cazar mel, existe unha forma de chamarse entre eles. Os boran teñen un asubío especial que se pode escoitar a máis dun quilómetro de distancia. O guía do mel chama polos humanos facendo soar dúas notas unha e outra vez: tirr-tirr, tirr-tirr!

Cando o boran e o guía do mel están listos, comeza a caza. O paxaro voa ata perderse de vista. Logo volve e pousase onde sexa posible velo. Tan pronto coma a xente se pon ao seu carón, voa cara a adiante, mostrando as manchas brancas da súa cola.

O guía do mel permítelle ao boran saber que a colmea está cerca do chan voando debaixo da copa das árbores. Se voa máis alto, iso significa que a colmea está dentro dunha árbore.

Entón pousase de novo e agarda. O boran fai ruído para que o paxaro saiba que aínda o está seguindo. Asubía, golpea a madeira e fala en voz alta.

A medida que se achegan á colmea, o guía do mel pousase máis a miúdo. Tamén empeza a pousarse preto do chan. O boran pode recoñecer que se está acercando.



*Un boran asubía por un guía do mel.*

Ao final, cando atopa a colmea, o guía do mel fai un novo ruído. Dille ao boran: “Ei, xa chegamos!”, nun ton suave con pausas longas entre as notas. Algunhas veces voa en círculos ao redor da colmea.

O boran acende un lume. Cun anaco de madeira fumeante, espanta as abellas. Entón abre a colmea e recolle o mel. Déixanlle ao guía do mel un montón de cera e larvas.

### **AMBOS GAÑAN**

Sen a axuda do paxaro, o boran di que lle levaría case nove horas atopar unha colmea. Algunhas veces non poden atopar ningunha. Pero co guía do mel indicando o camiño, a caza leva tres horas e case sempre atopan unha colmea. Sen o boran, o guía do mel xeralmente só pode picar un pouco a porta de entrada da colmea. Pero coa axuda dos humanos, o seu fume, e as súas ferramentas, o guía do mel pode acceder a moitas máis colmeas!

### **POR SI MESMO**

Os guías do mel algunhas veces visitan as colmeas sós. Cando o fan, van nas mañás nubradas e frescas cando as abellas están adormecidas. Entón poden voar directamente cara á colmea, pero non quedan alí moito tempo. As abellas poderían picalos e non conseguen moita comida.



### **A LENDA DO GUÍA DO MEL**

Os boran contan unha historia sobre o que pasa se non lle deixas ao guía do mel comida como recompensa por mostrarche unha colmea. A próxima vez que o sigas, o guía do mel levarate a algo realmente perigoso, coma unha árbore na que hai un leopardo!





### PASADO E FUTURO

O xeito en que os humanos e os guías do mel traballan xuntos é tan efectivo que os científicos cren que deben levar moito tempo facéndoo. As pinturas rupestres dinnos que os africanos levan buscando mel durante 20.000 anos.

Pero esta asociación entre o paxaro e os humanos está en perigo. Moitos guías do mel viven agora en parques naturais onde non se lles permite a entrada aos humanos. E os boran estanse a mudar ás cidades, onde é máis sinxelo mercar unha bolsa de azucre na tenda do que é a busca de colmeas. O guía do mel foi observado chamando polos humanos nos seus patios sen obter resposta.

1.  
Que comen das colmeas os boran e o guía do mel?

Os Boran.



O guía do mel.



2.  
Que fan os boran e o guía do mel para axudarse mutuamente?

Os boran.



O guía do mel.



3.  
Por que os boran teñen que moverse tres ou catro veces cada ano?

- ☐ A Para atopar auga.
- ☐ B Para atopar mel.
- ☐ C Para alimentar o seu gando.
- ☐ D Para vender carne e leite.



4.  
Escribe dúas cousas das que estean feitas as casas dos boran.



1.

2.

5.  
Cal das seguintes cousas se pode aprender do recadro Coñece os boran?




- ☐ A Por que os boran non teñen permitido o acceso ás reservas naturais.
- ☐ B Por que os boran levan recollendo mel durante tanto tempo.
- ☐ C Por que os boran están emigrando ás cidades.
- ☐ D Por que os boran foron estudados polos científicos.

6.  
Como chaman os boran polo guía do mel?

- ☐ A Utilizan sinais de fume.
- ☐ B Golpean a madeira.
- ☐ C Usan un asubío especial.
- ☐ D Chaman o paxaro polo seu nome.

7.

O guía do mel envíalles mensaxes diferentes aos boran facendo distintas cousas. Enche os espazos en branco para completar a táboa.

	Que fai o guía do mel	Que significa para os boran
 1	Voa sobre as copas das árbores.	<input type="text"/>
 1	<input type="text"/>	Estanse achegando á colmea.
 1	<input type="text"/>	Chegaron a carón da colmea.

8.  
Por que os boran acenden un lume?

- ☐ A Para conducir o paxaro ata a colmea.
- ☐ B Para facer que as abellas abandonen a colmea.
- ☐ C Para abrir a colmea.
- ☐ D Para mostrar que atoparon a colmea.

9.  
Cal é a mensaxe principal d'A lenda do guía do mel?

- ☐ A Debes recompensar o guía do mel.
- ☐ B O guía do mel é un paxaro moi intelixente.
- ☐ C Deberías seguir sempre o guía do mel.
- ☐ D O guía do mel pode ser perigoso.

10.

Por que o guía do mel visita as colmeas pola mañá cando está só?

- ☐ A É máis sinxelo atopar as abellas.
- ☐ B Hai máis larvas alí.
- ☐ C As abellas non están na colmea.
- ☐ D É máis difícil que o piquen.

11.

Cal foi o achado que mostra que os boran e os guías do mel poderían levar traballando xuntos durante miles de anos?





12.

Por que a asociación entre o paxaro e os humanos está en perigo?

- ☐ A Os boran xa non necesitan máis o guía do mel.
- ☐ B O guía do mel deixou de seguir os boran.
- ☐ C Pode que aos boran non lles guste máis o mel.
- ☐ D O guía do mel atopou outros tipos de comida.

13.

Utiliza o que liches para explicar que podería necesitar o guía do mel no futuro se máis boran emigran ás cidades.



Original ID	WheresTheHoney
Title	Where's The Honey
Answer code	
Images	